

Mid-Day Dogri News Bulletin, 06th April 2025

समे — 12:25

<><><><><><>

HM J&K

केन्द्री गृहमन्त्री अमित शाह हुंदा अज्ज जम्मू कश्मीर दा दौरा पर औने दा कार्यक्रम ऐ। अपने दौरे दरान ओह सुरक्षा स्थिति दा जायजा लैंगन ते सुरक्षाबले कन्नै गल्लबात करगंन। अपने त्रै दिन दे दौरे दरान शाह होर बीजेपी दे विधायकें कन्नै जम्मू च बैठक लांगन। एह्दे अलावा यूनीफाइड मुख्यालय च सुरक्षा जायजा बैठक ते सलाना श्री अमरनाथ जी दी यात्रा दी तैआरिएं दी बी समीक्षा करगंन। ओह वर्चुअल माध्यम राएं केई सारी परियोजनाएं दा जम्मू कश्मीर च उदघाटन करगंन ते केइएं दा नीह पत्थर रक्खगंन।

<><><><><><>

SC Collegium

सुप्रीम कोर्ट कौलेजिसम नै पंजाब ते हरियाणा हाई कोर्ट दे जज अरुण पाली होरें गी जम्मू ते कश्मीर ते लद्दाख हाई कोर्ट दा अगला मुख् न्यायधीश नियुक्त करने दी सिफारश कीती ऐ। मजूदा मुख् न्यायधीश ताशी राबस्तन हुंदी थाहर लैंगन। मई 2023 थमां न्यायधीश पाली होर हरियाणा राज्य कनूनी सेवा प्राधिकरण दे कार्यकारी अध्यक्ष दे तौर पर सेवा देआ'रदे न।

<><><><><><>

Ram Noumi Ayodhya

राम नोमी दा ध्याड़ा अज्ज मुख् दे बक्ख-बक्ख हिस्सें च रिवायती धार्मिक श्रद्धा ते उत्साह कन्नै मनाया जा'रदा ऐ। राम नोमी दा ध्यार प्रभु श्री राम जी दे जन्म ध्याड़े दे तौर पर मनाया जंदा ऐ। राम नोमी चैत्र म्हीने दे नौमें ध्याड़े पर मनाया जंदा ऐ। राम नोमी शा पैहले हिंदू समूदाय दे लोक नौ दिनें तगर चलने आले नरातें च व्रत रखदे न। तोआई राम नोमी दे पावन मौके पर संसार दे बक्ख-बक्ख हिस्सें शा श्रद्धालु भगवान श्री राम जी दा जन्म ध्याड़ा मनाने गी ते उंदी जन्मस्थली अयोध्या च बड़ी गिनतरी च पुज्जा करदे न। राम नोमी दे मौके पर राष्ट्रपति द्रौपदी मुर्मू ते प्रधानमंत्री नरेन्द्र मोदी होरें देशवासिएं गी राम नोमी दी मुबारकां दित्तियां न। उनें कामना कीती जे प्रभु श्री राम जी हुंदा आशीष साढ़े सब्बनें पर बने दा रवै

ते असेंगी सेई बत्त दस्सदा रवे। उपराज्यपाल मनोज सिन्हा ते मुख्यमंत्री उमर अब्दुल्ला होरें बी लोकें गी शुभकामनां दित्तियां न।

<><><><><><>

CS Anti Drug Drive

मुख्य सचिव अटल चुल्लू होरें आईईसी अभियान तैहत् नशा मुक्त जम्मू कश्मीर अभियान दी शुरुआत कीती। एह अभियान 5 म्हाने तगर जारी रौहग। एहदा मकसद नशा मुक्ति ते नशे दी माड़ी कबैतु बारे लोकें गी जागरूक करना ऐ। ओह लोक जेहड़े नशे गी नशे दी लत्त च फसी गेदे न, गी नशा छोड़ने च मदद करना ऐ। मुख्य जतनें च nasha.mukt.jk.org ते **INSPIRE Podcast Series** अभियान दा नमां लोगो ते जम्मू कश्मीर च 6 ज्हार 7 सौ कार्यक्रम आयोजित करना ऐ। एहदे च 5 ज्हार 923 सिखलाई याफता लोक लाए जांगन। एहड़े च लोकें दी शमूलियत गी बी जकीनी कीता जाग।

<><><><><><>

Durector Education

स्कूली शिक्षा मैहकमे दे निदेशक डॉ. नसीम जावेद चौधरी होरें जम्मू खित्ते च इक बैठक लाइयै जिले च स्कीमें दी अमलावरी दा जायजा लैता। उनें सरकारी स्कूलें च शैक्षणिक कारकरदगी पर जोर पाया ते राष्ट्रीय शिक्षा नीति 2020 दी सेई ते पूरी चाल्ली अमलावरी लेई बी आखेआ। मनुखी संसाधनें दा प्रबंधन, शिक्षकें दी सिखलाई, विद्यार्थिं दी कारकरदगी स्कूल च बुनियादी सहूलतें बारे बी चर्चा होई। मुख्य शिक्षा अधिकारी होरें बुनियादी ढांचे ते म्यारी शिक्षा पर जोर पाया।

<><><><><><>

Enrollment Drive Poonch

2025–26 आले शैक्षणिक सत्र च बच्चें दी बद्धोबद्ध शमूलियत जकीनी बनाने लेई जतनें गी तेज करदे होई पुंछ जिले च मुख्य शिक्षा अधिकारी हुंदी अगुवाई च इक व्यापक मुहिम रंभी गेई। एहदे च अध्यापकें, विद्यार्थिं ते मकामी समुदाय दे लोकें हिस्सा लैता। सरकारी मिडल स्कूल धंत आस्सेआ लोकें तगर पुज्ज बनाने लेई इक रैली कड़डी गेई। इस दरान जतने

जियां मुफ्त कताबां, वर्दियां, सत्रधार खुराक ते बच्चे अनुकूल माहौल बारे लोकें गी दस्सेआ
गेआ।

<><><><><><>

TB DC Jammu

टी.बी दी बमारी खलाफ जतनें गी अगगे बधांदे होई जम्मू दे डिप्टी कमीशनर सचिन कुमार
वैश्य होरें छाती दी बमारिएं सरबंधी अस्पताल च पौषक तत्व कन्नै युक्त न्यूट्रीशन किट्स
मरीजें च बंडियां। एह् टी.बी मुक्त भारत अभियानद । गै इक जतन हा। एह्दे च मुख् सेहत
अधिकारी होर बी शामिल हे। इस मौके पर बोलदे होई डिप्टी कमीशनर होरें मरीजें गी
सेह्मंद जीवन शैली अपनाने, नियमित व्यायामक रने पर जोर पाया। इस कार्यक्रम गी जेएंडके
बैंक आस्सेआ कोपरेट सोशल रेसपांसिबिलीटी दे तैहत करोआया गेआ।

<><><><><><>

Prez Waqf

राष्ट्रपति द्रौपदी मुर्मू होरें वक्फ सेशोधन विधेयक गी मंजूरी देई दित्ती ऐ। एह्दे कन्नै गै एह्
विधेयक हुन कन्नू बननी गेआ ऐ। लोकसभा च इस विधेयक दे पक्ख च 288 ते विरोध च 232
वोट पाए हे। राज्यसभा च 128 सदस्यें एह्दे पक्ख च ते 95 नै एह्दे विरोध च वोट पाया
हा। एह्दे कन्नै एह् विधेयक दौनें सदनें थमां पारित होई गेआ हा।

<><><><><><>